



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՈՍՏԻԿԱՆՈՒԹՅԱՆ ՊԵՏԻ ԱՌԱՋԻՆ ՏԵՂԱԿԱԼԻ
ՆՐԱՄԱՆ**

Թիվ 41-Ը

**2020 ԹՎԱԿԱՆԻ ՆՈՅԵՄԲԵՐԻ 7-ԻՆ, 14-ԻՆ, 21-ԻՆ ԵՎ 28-ԻՆ ՃԱՆԱՊԱՐՀԱՅԻՆ
ՈՍՏԻԿԱՆՈՒԹՅԱՆ ԵՐԵՎԱՆԻ ԵՎ ԿՈՏԱՅՔԻ ՀԱՇՎԱՌՄԱՆ-ՔՆՆԱԿԱՆ
ՍՏՈՐԱԲԱԺԱՆՈՒՄՆԵՐԻ ԾԱՌԱՅՈՂՆԵՐԻ (ՔԱՂԱՔԱՑԻԱԿԱՆ ԱՇԽԱՏԱՆՔ
ԿԱՏԱՐՈՂ ԵՎ ՏԵԽՆԻԿԱԿԱՆ ՍՊԱՍԱՐԿՈՒՄ ԻՐԱԿԱՆԱՑՆՈՂ ԱՆՁԱՆՑ)
ԱՇԽԱՏԱԺԱՄԱՆԱԿԻ ՍԿԻՋԲԸ ԵՎ ԱՎԱՐՏԸ ՍԱՀՄԱՆԵԼՈՒ ՄԱՍԻՆ**

Հայաստանի Հանրապետության կառավարության 2005 թվականի նոյեմբերի 24-ի «Պետական և տեղական ինքնակառավարման մարմիններում և դրանց ենթակա կազմակերպություններում աշխատաժամանակի սկիզբը և ավարտը սահմանելու մասին» թիվ 2138-Ն որոշման 2-րդ կետի «ա» ենթակետի և Հայաստանի Հանրապետության վարչապետի 2018 թվականի հունիսի 11-ի «Հայաստանի Հանրապետության ոստիկանության կանոնադրությունը հաստատելու մասին» թիվ 751-Լ որոշմամբ հաստատված հավելվածի 20-րդ կետի 8-րդ ենթակետի համաձայն.

Հ Ր Ա Մ Ա Յ ՈՒ Մ ԵՄ՝

1. Սահմանել 2020 թվականի նոյեմբերի 7-ին, 14-ին, 21-ին և 28-ին Ճանապարհային ոստիկանության Երևանի և Կոտայքի հաշվառման-քննական ստորաբաժանումների ծառայողների (քաղաքացիական աշխատանք կատարող և տեխնիկական սպասարկում իրականացնող անձանց) աշխատաժամանակի սկիզբը և ավարտը՝

1) Ճանապարհային ոստիկանության Երևանի և Կոտայքի հաշվառման-քննական ստորաբաժանումների համար 2020 թվականի նոյեմբերի 7-ին, 14-ին, 21-ին և 28-ին սահմանել հետևյալ աշխատանքային ռեժիմը.

ա) ժամը 09:00-18:00 (քաղաքացիների մուտքը՝ ժամը 09:00-17:00, զննության կայանում՝ ժամը 09:00-16:30),

բ) ստորաբաժանման համար ընդմիջում չի սահմանվում, իսկ ծառայողներին (քաղաքացիական աշխատանք կատարող և տեխնիկական սպասարկում իրականացնող անձանց) ընդմիջում տրվում է հերթականությամբ՝ սկսած 12:00-ից՝ 1 ժամ տևողությամբ,

գ) սահմանել հանգստյան օր յուրաքանչյուր ծառայողի (քաղաքացիական աշխատանք կատարող և տեխնիկական սպասարկում իրականացնող անձանց) համար շաբաթվա մեկ աշխատանքային օր՝ համաձայն տվյալ ստորաբաժանման պետի հաստատված գրաֆիկի (գրաֆիկի մեկ օրինակը ներկայացվում է Ճանապարհային ոստիկանության հաշվառման-քննական և տրանսպորտային միջոցների տեխնիկական փորձաքննության բաժին):

2. Ճանապարհային ոստիկանության պետ, ոստիկանության գնդապետ Ե.Կարապետյանին՝ ապահովել Ճանապարհային ոստիկանության տարածքային հաշվառման-քննական ստորաբաժանումների մուտքի մոտ՝ տեսանելի տեղում, 2020 թվականի նոյեմբերի 7-ին, 14-ին, 21-ին և 28-ին աշխատանքային ռեժիմի վերաբերյալ տեղեկատվության հրապարակումը:

3. Հայաստանի Հանրապետության ոստիկանության հասարակայնության հետ կապի և լրատվության վարչության պետ, ոստիկանության գնդապետ Ա.Ահարոնյանին՝ հրամանի 1-ին կետի 1-ին ենթակետերով սահմանված աշխատանքային ռեժիմի վերաբերյալ տեղեկատվությունը տարածել հնարավոր լրատվամիջոցներով և տեղադրել Հայաստանի Հանրապետության ոստիկանության կայքում:

4. Հրամանը հայտարարել Ճանապարհային ոստիկանության գլխավոր, ավագ, միջին և կրտսեր խմբերի պաշտոններ զբաղեցնող ծառայողներին, քաղաքացիական աշխատանք կատարող և տեխնիկական սպասարկում իրականացնող անձանց:

ՈՍՏԻԿԱՆՈՒԹՅԱՆ ԳՆԴԱՊԵՏ



Ա.ՀՈՎՀԱՆՆԻՍՅԱՆ

« 06 » 11 2020թ.
ք.Երևան